

十三經註

0412  
479  
69





芋栗園藏本

人語

宋朱子集註  
陸河曼集編



門口 12  
疏  
卷

魏何晏集解  
宋朱子集註

# 論語

芋栗園藏板

東

115  
21  
69

論語序解

魏何晏

序

敘曰漢中壘校尉劉向言魯論語二十篇皆孔子弟子記諸善言也太子太傅夏侯勝前將軍蕭望之丞相韋賢及子立成等傳之齊論語三十三篇其二十篇中章句頗多於魯論琅邪王卿及膠東庸生昌邑中尉王吉皆以教授故有魯論有齊論魯共王時嘗欲以孔子宅為宮壞得古文論語齊論有問王知

論語

序

論語



道多於魯論二篇古論亦無此二篇分堯曰  
 下章子張問以爲一篇有兩子張凡二十一  
 篇篇次不與齊魯論同安昌侯張禹本受魯  
 論兼講齊說善者從之號曰張侯論爲世所  
 貴包氏周氏章句出焉古論唯博士孔安國  
 爲之訓解而世不傳至順帝時南郡太守馬  
 融亦爲之訓說漢末大司農鄭玄就魯論篇  
 章考之齊古爲之註近故司空陳羣太常王

肅博士周生烈皆爲義說前世傳授師說雖  
 有異同不爲訓解中間爲之訓解至于今多  
 矣所見不同互有得失今集諸家之善記其  
 姓名有不安者頗爲改易名曰論語集解光  
 祿大夫關內侯臣孫邕光祿大夫臣鄭沖散  
 騎常侍中領軍安鄉亭侯臣曹羲侍中臣荀  
 顛尚書駙馬都尉關內侯臣何晏等上







於老子既反而弟子益進昭公二十五年甲申孔子年三十五而昭公奔齊魯亂於是適齊為高昭子家臣以通乎景公有聞韶問政二事公欲封以尼谿之田晏嬰不可公感之有季孟吾老之語孔子遂行反乎魯定公元年壬辰孔子年四十三而季氏強僭其臣陽虎作亂專政故孔子不仕而退脩詩書禮樂弟子彌眾九年庚

子孔子年五十一公山不狃以費畔季氏召孔子欲往而卒不行有答子路東周語定公以孔子為中都宰一年四方則之遂為司空又為大司寇十年辛丑相定公會齊侯于夾谷齊人歸魯侵地十二年癸卯使仲山為季氏宰墮三都收其甲兵孟氏不肯墮成圍之不克十四年乙巳孔子年五十六攝行相事誅少正卯



與聞國政三月魯國大治齊人歸女樂

以沮之季桓子受之郊又不致膳俎於

大夫孔子行魯世家以此以上皆為十二年事適衛主

於子路妻兄顏濁鄒家孟子作適陳過

匡匡人以為陽虎而拘之有顏淵後及文王既沒之

語既解還衛主蘧伯玉家見南子有矢子路

及未見好德之語去適宋司馬桓魋欲殺之有

生德語及微服過宋事又去適陳主司城貞子家

居三歲而反于衛靈公不能用有三年有成之

語晉趙氏家臣佛肸以中牟畔召孔子

孔子欲往亦不果有答子路堅白語及荷蕢過門事將

西見趙簡子至河而反又主蘧伯玉家

靈公問陳不對而行復如陳據論語則絕糧當在

此時季桓子卒遺言謂康子必召孔子其

臣止之康子乃召冉求史記以論語歸與之歎為在此

時又以孟子所記歎詞為主司城貞子時語疑不然蓋語蓋所記本皆此一



語而所記孔子如蔡及葉有葉公問答  
 有異同耳孔子如蔡及葉子路不對沮  
 溺耦耕荷蓀丈人等事史記云於是楚  
 昭王使人聘孔子孔子將往拜禮而陳  
 芻大夫發徒圍之故孔子絕糧於陳蔡  
 之閒有愠見及告子貢一貫之語按是  
 時陳蔡臣服於楚若楚王來聘孔子陳  
 蔡大夫安敢圍之且據論語絕糧當在  
 去衛如楚昭王將以書社地封孔子命  
 陳之時史記云書社地七百  
 尹子西不可乃止呈恐無此理時則有  
 接輿又反乎衛時靈公已卒衛君輒欲  
 之歌有魯衛兄弟及答子貢  
 得孔子為政夷齊子路正名之語而

冉求為季氏將與齊戰有功康子乃召  
 孔子而孔子歸魯實哀公之十一年丁  
 巳而孔子年六十八矣有對哀公  
 終不能用孔子孔子亦不求仕乃敘書  
 傳禮記有杞宋損益刪詩正樂有語太  
 正之序易象繫象說卦文言有假我數  
 弟子蓋三千焉身通六藝者七十二人  
 弟子顏回最賢蚤死後十四年庚申魯  
 唯曾參得傳孔子之道



西狩獲麟有莫我知我孔子作春秋罪我等

語論語請討陳明年辛酉子路死於衛

恒事亦在是年十六年壬戌四月己丑孔子卒年七十

三葬魯城北泗上弟子皆服心喪三年

而去惟子貢廬於冢上凡六年孔子生

鯉字伯魚先卒伯魚生伋字子思作中

庸子思學於曾子而孟

何氏曰魯論語二十篇齊論語別有問王

知道凡二十二篇其二十篇中章句頗

多於魯論古論出孔氏壁中分堯曰下

章子張問以為一篇有兩子張凡二十

一篇篇次不與齊魯論同

程子曰論語之書成於有子曾子之門人

故其書獨二子以子稱

程子曰讀論語有讀了全然無事者有讀

了後其中得一兩句喜者有讀了後知



好之者有讀了後直有不知手之舞之足之蹈之者

程子曰今人不會讀書如讀論語未讀時是此等人讀了後又只是此等人便是不會讀

程子曰頤自十七八讀論語當時已曉文義讀之愈久但覺意味深長

論語卷之一

魏何晏集解  
宋朱熹集註

學而第一  
凡十六章

**朱註**此為書之首篇故所記多務本之意乃入道之門積德之基學者之先務也

子曰學而時習之不亦說乎  
說悅同



馬曰子者男子之通稱謂孔子也王曰時者學者以時誦習之誦習以時學無廢業所以為說擇

**朱註**學之為言效也人性皆善而覺有先後後覺者必效先覺之所為乃可以明善而復其初也習鳥數飛也學之不已如鳥數飛也說喜意也既學而又時時習之則所學者熟而中心喜說其進自不能已矣

程子曰習重習也時復思繹浹洽於中則說也又曰學者將以行之也時習之則所學者在故說謝氏曰時習者無時而不習坐如尸坐時習也立如齊立時習也

有朋自遠方來不亦樂乎

樂音洛

包曰同門曰朋

**朱註**朋同類也自遠方來則近者可知程子曰以善及人而信從者眾故可樂又曰



說在心樂主發散在外

人不知而不愠不亦君子乎

愠紆問反

愠怒也凡人有所不知君子不怒

正義曰此章勸

人學為君子也

**朱註**愠含怒意君子成德之名尹氏曰學

在已知不知在人何愠之有程子曰雖樂於及人不見是而無悶乃所謂君子愚謂及人而樂者順而易不知而不愠者逆而

難故惟成德者能之然德之所以成亦曰學之正習之熟說之深而不已焉耳○程

子曰樂由說而後得非樂不足以語君子

有子曰其為人也孝弟而好犯上者鮮矣不

好犯上而好作亂者未之有也

弟好皆去聲鮮上聲下同

上謂凡在己上者言孝弟之人必恭順好欲犯其上者少也

**朱註**有子孔子弟子名若善事父母為孝



善事兄長為弟犯上謂干犯在上之人鮮少也作亂則為悖逆爭鬪之事矣此言人能孝弟則其心和順少好犯上必不好作亂也

君子務本本立而道生孝弟也者其為仁之

本與與平聲

本基也基立而後可大成孝弟為仁之本

謂先能事父兄然後仁道可大成此章言孝弟之

行也

**朱註**務專力也本猶根也仁者愛之理心

之德也為仁猶曰行仁與者疑辭謙退不

敢質言也言君子凡事專用力於根本根

本既立則其道自生若上文所謂孝弟乃

是為仁之本學者務此則仁道自此而生

也○程子曰孝弟順德也故不好犯上豈

復有逆理亂常之事德有本本立則其道



充大孝弟行於家而後仁愛及於物所謂  
 親親而仁民也故為仁以孝弟為本論性  
 則以仁為孝弟之本或問孝弟為仁之本  
 此是由孝弟可以至仁否曰非也謂行仁  
 自孝弟始孝弟是仁之一事謂之行仁之  
 本則可謂是仁之本則不可蓋仁是性也  
 孝弟是用也性中只有箇仁義禮智四者  
 而已曷嘗有孝弟來然仁主於愛愛莫大

於愛親故曰孝弟也者其為仁之本與

子曰巧言令色鮮矣仁

包曰巧言好其言語令色善其顏色皆欲

令人說之少能有仁也

此章論仁者必直言正色

**朱註**巧好令善也好其言善其色致飾於

外務以悅人則人欲肆而本心之德亡矣  
 聖人詞不迫切專言鮮則絕無可知學者  
 所當深戒也○程子曰知巧言令色之非



仁則知仁矣

曾子曰吾日三省吾身為人謀而不忠乎與朋友交而不信乎傳不習乎

省悉井反為去聲傳平聲

傳不習言凡所傳之事得無素不講習而傳之

此章論曾子省身慎行之事

**朱註**

曾子孔子弟子名參字子輿盡已之

謂忠以實之謂信傳謂受之於師習謂熟之於已曾子以此三者日省其身有則改

之無則加勉其自治誠切如此可謂得為學之本矣而三者之序則又以忠信為傳習之本也○尹氏曰曾子守約故動必求諸身謝氏曰諸子之學皆出於聖人其後愈遠而愈失其真獨曾子之學專用心於內故傳之無弊觀於子思孟子可見矣惜乎其嘉言善行不盡傳於世也其幸存而未泯者學者其可不盡心乎



言言

科林

子曰道千乘之國敬事而信節用而愛人使

民以時

道乘皆去聲

馬曰道謂為之政教司馬法六尺為步步百為畝畝百為夫夫三為屋屋三為井井十為通通十為成成出革車一乘然則千乘之賦其地千成居地方三百一十六里有畸唯公侯之封乃能容之雖大國之賦亦不是過焉包曰千乘之國者百里之國

也古者井田方里為井十井為乘百里之國適千乘也融依周禮包依王制孟子義疑故兩存焉包曰敬事而信言為國者舉事必敬慎與民必誠信節用謂不奢侈愛人謂國以民為本故愛養之至於作事使民必以其時不妨奪農務

此章論治大國之法也

**朱註**

道治也千乘諸侯之國其地可出兵

車千乘者也敬者主一無適之謂敬事而

論語卷一

學而

七

晉古婁



信者敬其事而信於民也時謂農隙之時言治國之要在此五者亦務本之意也○程子曰此言至淺然當時諸侯果能此亦足以治其國矣聖人言雖至近上下皆通此三言者若推其極堯舜之治亦不過此若常人之言近則淺近而已矣楊氏曰上不敬則下慢不信則下疑下慢而疑事不立矣敬事而信以身先之也易曰節以制

一度不傷財不害民蓋侈用則傷財傷財必至於害民故愛民必先於節用然使之不以其時則力本者不獲自盡雖有愛人之心而人不被其澤矣然此特論其所存而已未及爲政也苟無是心則雖有政不行焉胡氏曰凡此數者又皆以敬爲主愚謂五者反復相因各有次第讀者宜細推之子曰弟子入則孝出則弟謹而信汎愛眾而



論語

卷一

親仁行有餘力則以學文

弟子之弟上聲則弟之弟去聲

馬曰文者古之遺文

此章明人以德為本學為末

**朱註**謹者行之有常也信者言之有實也

汎廣也眾謂眾人親近也仁謂仁者餘力

猶言暇日以用也文謂詩書六藝之文○

程子曰為弟子之職力有餘則學文不脩

其職而先文非為己之學也尹氏曰德行

本也文藝末也窮其本末知所先後可以

入德矣洪氏曰未有餘力而學文則文滅

其質有餘力而不學文則質勝而野愚謂

力行而不學文則無以考聖賢之成法識

事理之當然而所行或出於私意非但失

之於野而已

子夏曰賢賢易色事父母能竭其力事君能

致其身與朋友交言而有信雖曰未學吾必

謂之學矣

論語卷一

學而

九

嘗子夏



子曰易色言以好色之心好賢則善致身  
謂盡忠節不變其身  
此章論生知美行之事

**朱註**子夏孔子弟子姓卜名商賢人之賢  
而易其好色之心好善有誠也致猶委也  
委致其身謂不有其身也四者皆人倫之  
大者而行之必盡其誠學求如是而已故  
子夏言有能如是之人苟非生質之美必  
其務學之至雖或以為未嘗為學我必謂

之已學也○游氏曰三代之學皆所以明  
人倫也能是四者則於人倫厚矣學之為  
道何以加此子夏以文學名而其言如此  
則古人之所謂學者可知矣故學而一篇  
大抵皆在於務本吳氏曰子夏之言其意  
善矣然詞氣之閒抑揚太過其流之弊將  
或至於廢學必若上章夫子之言然後為  
無弊也



子曰君子不重則不威學則不固

孔曰固蔽也一日言人不能敦重既無威嚴學又不能堅固識其義理

**朱註**重厚重威威嚴固堅固也輕乎外者必不能堅乎內故不厚重則無威嚴而所學亦不堅固也

**主忠信**

鄭曰主親也

**朱註**人不忠信則事皆無實為惡則易為善則難故學者必以是為主焉程子曰人道惟在忠信不誠則無物且出入無時莫知其鄉者人心也若無忠信豈復有物乎無友不如己者

**朱註**無毋通禁止辭也友所以輔仁不如己則無益而有損

**過則勿憚改**

論語卷一

學而

十一

皆五集



鄭曰憚難也此章勉人為君子也

**朱註**勿亦禁止之辭憚畏難也自治不勇

則惡日長故有過則當速改不可畏難而苟安也程子曰學問之道無他也知其不善則速改以從善而已○程子曰君子自脩之道當如是也游氏曰君子之道以威重為質而學以成之學之道必以忠信為主而以勝己者輔之然或吝於改過則終

無以入德而賢者亦未必樂告以善道故以過勿憚改終焉

**曾子曰慎終追遠民德歸厚矣**

孔曰慎終盡哀追遠盡敬君能行此二者民化其德皆歸於厚也此章言民化君德也

**朱註**慎終者喪盡其禮追遠者祭盡其誠民德歸厚謂下民化之其德亦歸於厚蓋終者人之所易忽也而能謹之遠者人之



所易忘也而能追之厚之道也故以此自為則已之德厚下民化之則其德亦歸於厚也

子禽問於子貢曰夫子至於是邦也必聞其政求之與抑與之與之與之與平聲下同

鄭曰亢怪孔子所至之邦必與聞其國之政事謂求而得之邪抑人君自願與之為治耶

**朱註**子禽姓陳名亢子貢姓端木名賜皆孔子弟子或曰亢子貢弟子未知孰是抑

反語辭

子貢曰夫子溫良恭儉讓以得之夫子之求之也其諸異乎人之求之與

鄭曰言夫子行此五德而得之與人求之異明人君自與之此章明夫子由其有德與聞國政之事

**朱註**溫和厚也良易直也恭莊敬也儉節



制也讓謙遜也五者夫子之盛德光輝接於人者也其諸語辭也人他人也言夫子未嘗求之但其德容如是故時君敬信自以其政就而問之耳非若他人必求之而後得也聖人過化存神之妙未易窺測然卽此而觀則其德盛禮恭而不願乎外亦可見矣學者所當潛心而勉學也○謝氏曰學者觀於聖人威儀之間亦可以進德

矣若子貢亦可謂善觀聖人矣亦可謂善言德行矣今去聖人千五百年以此五者想見其形容尚能使人興起而況於親炙之者乎張敬夫曰夫子至是邦必聞其政而未有能委國而授之以政者蓋見聖人之儀刑而樂告之者秉彝好德之良心也而私欲害之是以終不能用耳

子曰父在觀其志父沒觀其行三年無改於



父之道可謂孝矣行去聲

孔曰在心為志人當父在但觀其志而已

父沒乃觀其行三年無改謂孝子在喪哀

慕猶若父存無所改於父之道此章論孝子之行

**朱註**父在子不得自尊而志則可知父沒

然後其行可見故觀此足以知其人之善

惡然又必能三年無改於父之道乃見其

孝不然則所行雖善亦不得為孝矣○尹

氏曰如其道雖終身無改可也如其非道

何待三年然則三年無改者孝子之心有

所不忍故也游氏曰三年無改亦謂在所

當改而可以未改者耳

有子曰禮之用和為貴先王之道斯為美小

大由之

**朱註**禮者天理之節文人事之儀則也和

者從容不迫之意蓋禮之為體雖嚴然皆



出於自然之理故其為用必從容而不迫  
乃為可貴先王之道此其所以為美而小  
事大事無不由之也

有所不行知和而不以禮節之亦不可行也

馬曰人知禮貴和而每事從和不以禮為

節亦不可行

此章言禮樂為用相須乃美

**朱註**承上文而言如此而復有所不行者

以其徒知和之為貴而一於和不復以禮  
節之則亦非復禮之本然矣所以流蕩忘  
反而亦不可行也○程子曰禮勝則離故  
禮之用和為貴先王之道以斯為美而小  
大由之樂勝則流故有所不行者知和而  
和不以禮節之亦不可行范氏曰凡禮之  
體主於敬而其用則以和為貴敬者禮之  
所以立也和者樂之所由生也若有子可



謂達禮樂之本矣愚謂嚴而泰和而節此理之自然禮之全體也毫釐有差則失其中正而各倚於一偏其不可行均矣

有子曰信近於義言可復也恭近於禮遠恥

辱也因不失其親亦可宗也

近遠皆去聲

復猶覆也義不必信信非義也以其言可反覆故曰近義恭不合禮非禮也以其能遠恥辱故曰近禮也孔曰因親也言所親

不失其親亦可宗敬

此章明信與義恭與禮不同及人行可宗

之事

**朱註**

信約信也義者事之宜也復踐言也

恭致敬也禮節文也因猶依也宗猶主也

言約信而合其宜則言必可踐矣致恭而

中其節則能遠恥辱矣所依者不失其可

親之人則亦可以宗而主之矣此言人之

言行交際皆當謹之於始而慮其所終不



然則因仍苟且之閒將有不勝其自失之悔者矣

子曰君子食無求飽居無求安敏於事而慎於言就有道而正焉可謂好學也已好去聲

鄭曰學者之志有所不暇孔曰敏疾也有道有道德者正謂問其是非此章述好學之事

**朱註**不求安飽者志有在而不暇及也敏於事者勉其所不足慎於言者不敢盡其

所有餘也然猶不敢自是而必就有道之人以正其是非則可謂好學矣凡言道者皆謂事物當然之理人之所共由者也○尹氏曰君子之學能是四者可謂篤志力行者矣然不取正於有道未免有差如楊墨學仁義而差者也其流至於無父無君謂之好學可乎

子貢曰貧而無諂富而無驕何如子曰可也



論語

未若貧而樂富而好禮者也

樂音洛  
好去聲

和

孔曰可也未足多鄭曰樂謂志於道不以貧為憂苦

**朱註** 諂卑屈也驕矜肆也常人溺於貧富

之中而不知所以自守故必有二者之病無諂無驕則知自守矣而未能超乎貧富之外也凡曰可者僅可而有所未盡之辭也樂則心廣體胖而忘其貧好禮則安處

善樂循理亦不自知其富矣子貢貨殖蓋先貧後富而嘗用力於自守者故以此為問而夫子答之如此蓋許其所已能而勉其所未至也

子貢曰詩云如切如磋如琢如磨其斯之謂

與磋七多反  
與平聲

孔曰能貧而樂道富而好禮者能自切磋

琢磨

論語卷一 學而

十九

論語



**朱註**詩衛風淇澳之篇言治骨角者既切之而復磋之治玉石者既琢之而復磨之治之已精而益求其精也子貢自以無諂無驕為至矣聞夫子之言又知義禮之無窮雖有得焉而未可遽自足也故引是詩以明之

子曰賜也始可與言詩已矣告諸往而知來者

孔曰諸之也子貢知引詩以成孔子義善取類故然之往告之以貧而樂道來答以

切磋琢磨此章言貧之與富皆當樂道自脩也

**朱註**往者其所已言者來者其所未言者

○愚按此章問答其淺深高下固不待辨說而明矣然不切則磋無所施不琢則磨無所措故學者雖不可安於小成而不求造道之極致亦不可驚於虛遠而不察切



己之實病也

子曰不患人之不知患不知人也

此章言人當責己而不責人凡人之情多輕易於知人而患人不知己故孔子抑之

**朱註**尹氏曰君子求在我者故不患人之

不知不知人則是非邪正或不能辨故

以為患也

為政第二凡二十一章

子曰為政以德譬如北辰居其所而眾星共

之共音拱亦作拱

包曰德者無為猶北辰之不移而眾星共

之此章言為政之要

**朱註**政之為言正也所以正人之不正也

德之為言得也行道而有得於心也北辰

北極天之樞也居其所不動也共向也言

眾星四面旋繞而歸向之也為政以德則

無為而天下歸之其象如此程子曰為政



以德然後無為范氏曰為政以德則不動而化不言而信無為而成所守者至簡而能御煩所處者至靜而能制動所務者至寡而能服眾

子曰詩三百一言以蔽之曰思無邪

孔曰三百篇之大數包曰蔽猶當也無邪謂歸於正此章言為政之道在於去邪歸正故舉詩要當一句以言之

**朱註**詩三百十一篇言三百者舉大數也

蔽猶蓋也思無邪魯頌駉篇之辭凡詩之言善者可以感發人之善心惡者可以懲創人之逸志其用歸於使人得其情性之正而已然其言微婉且或各匡一事而發求其直指全體則未有若此之明且盡者故夫子言詩三百篇而惟此一言足以盡蓋其義其示人之意亦深切矣○程子曰思無邪者誠也范氏曰學者必務知要知



要則能守約守約則足以盡博矣經禮三百曲禮三千亦可以一言以蔽之曰毋不敬

子曰道之以政齊之以刑民免而無恥道音導下

同

孔曰政謂法教免謂苟免馬曰齊整之以

刑罰

**朱註**道猶引導謂先之也政謂法制禁令

也齊所以一之也道之而不從者有刑以一之也免而無恥謂苟免刑罰而無所羞愧蓋雖不敢為惡而為惡之心未嘗忘也道之以德齊之以禮有恥且格

包曰德謂道德格正也此章言為政以德之效也

**朱註**禮謂制度品節也格至也言躬行以率之則民固有所觀感而興起矣而其淺深厚薄之不一者又有禮以一之則民恥



於不善而又有以至於善也一說格正也  
書曰格其非心○愚謂政者為治之具刑  
者輔治之法德禮則所以出治之本而德  
又禮之本也此其相為終始雖不可以偏  
廢然政刑能使民遠罪而已德禮之效則  
有以使民日遷善而不自知故治民者不  
可徒恃其末又當深探其本也

子曰吾十有五而志于學

**朱註**古者十五而入大學心之所之謂之

志此所謂學即大學之道也志乎此則念  
念在此而為之不厭矣

三十而立

立謂有所成也

**朱註**有以自立則守之固而無所事志矣

四十而不惑

孔曰不惑謂不疑惑



言言

和古村

**朱註**於事物之所當然皆無所疑則知之明而無所事守矣

五十而知天命

孔曰知命謂知天命之始終

**朱註**天命即天道之流行而賦於物者乃事物所以當然之故也知此則知極其精而不惑又不足言矣

六十而耳順

鄭曰耳聞其言而知其微旨

**朱註**聲入心通無所違逆知之之至不思而得也

七十而從心所欲不踰矩從如字

馬曰矩法也從心所欲無非法此章明夫于隱聖同

凡所以勸人也

**朱註**從隨也矩法度之器所以為方者也隨其心之所欲而自不過於法度安而行

論語卷一 為政

三五 嘗行也



之不勉而中也○程子曰孔子生而知者也言亦由學而至所以勉進後人也立能自立於斯道也不惑則無所疑矣知天命窮理盡性也耳順所聞皆通也從心所欲不踰矩則不勉而中矣又曰孔子自言其進德之序如此者聖人未必然但爲學者立法使之盈科而後進成章而後達耳胡氏曰聖人之教亦多術然其要使人不失

其本心而已欲得此心者惟志乎聖人所示之學循其序而進焉至於一疵不存萬理明盡之後則其日用之間本心瑩然隨所意欲莫非至理蓋心卽體欲卽用體卽道用卽義聲爲律而身爲度矣又曰聖人言此一以示學者當優游涵泳不可躐等而進一以示學者當日就月將不可半途而廢也愚謂聖人生知安行固無積累之



漸然其心未嘗自謂已至此也是其日用之閒必有獨覺其進而人不及知者故因其近似以自名欲學者以是為則而自勉非心實自聖而姑為是退託也後凡言謙辭之屬意皆放此

孟懿子問孝子曰無違

**朱註**

孟懿子魯大夫仲孫氏名何忌無違

謂不背於理

樊遲御子告之曰孟孫問孝於我我對曰無違

鄭曰恐孟孫不曉無違之意將問於樊遲故告之

**朱註**

樊遲孔子弟子名須御為孔子御車

也孟孫即仲孫也夫子以懿子未達而不能問恐其失指而以從親之令為孝故語樊遲以發之



樊遲曰何謂也子曰生事之以禮死葬之以禮祭之以禮

此章明孝必以禮

**朱註**生事葬祭事親之始終具矣禮即理之節文也人之事親自始至終一於禮而不苟其尊親也至矣是時三家僭禮故夫子以是警之然語意渾然又若不專為三家發者所以為聖人之言也○胡氏曰人

之欲孝其親心雖無窮而分則有限得為而不為與不得為而為之均於不孝所謂以禮者為其所得為者而已矣

孟武伯問孝子曰父母唯其疾之憂

馬曰孝子不妄為非唯疾病然後使父母憂

此章言孝子不妄為非也

**朱註**武伯懿子之子名彘言父母愛子之心無所不至唯恐其有疾病常以為憂也



人子體此而以父母之心為心則凡所以守其身者自不容於不謹矣豈不可以為孝乎舊說人子能使父母不以其陷於不義為憂而獨以其疾為憂乃可謂孝亦通子游問孝子曰今之孝者是謂能養至於犬馬皆能有養不敬何以別乎養去聲別彼列反包曰犬以守禦馬以代勞皆養人者一曰人之所養乃至於犬馬不敬則無以別孟

子曰食而不愛豕畜之愛而不敬獸畜之

此章言為孝必敬

**朱註**子游孔子弟子姓言名偃養謂飲食

供奉也犬馬待人而食亦若養然言人畜犬馬皆能有以養之若能養其親而敬不至則與養犬馬者何異甚言不敬之罪所以深警之也○胡氏曰世俗事親能養足矣狎恩恃愛而不知其漸流於不敬則非



小失也子游聖門高弟未必至此聖人直恐其愛踰於敬故以是深警發之也

子夏問孝子曰色難有事弟子服其勞有酒

食先生饌曾是以為孝乎食音嗣

包曰色難者謂承順父母顏色乃為難馬

曰孔子喻子夏服勞先食汝謂此為孝乎

未孝也承順父母顏色乃為孝也此章言為孝必

須承順父母顏色也

**朱註**

色難謂事親之際惟色為難也食飯

也先生父兄也饌飲食之也曾猶嘗也蓋

孝子之有深愛者必有和氣有和氣者必

有愉色有愉色者必有婉容故事親之際

惟色為難耳服勞奉養未足為孝也舊說

承順父母之色為難亦通○程子曰告懿

子告眾人者也告武伯者以其人多可憂

之事子游能養而或失於敬子夏能直義



而或少溫潤之色各因其材之高下與其  
所失而告之故不同也

子曰吾與回言終日不違如愚退而省其私  
亦足以發回也不愚

孔曰不違者無所怪問於孔子之言默而  
識之如愚察其退還與二三子說釋道義  
發明大體知其不愚 此章美顏  
淵之德

**朱註**回孔子弟子姓顏字子淵不違者意

不相背有聽受而無問難也私謂燕居獨  
處非進見請問之時發謂發明所言之理  
愚聞之師曰顏子深潛純粹其於聖人體  
段已具其聞夫子之言默識心融觸處洞  
然自有條理故終日言但見其不違如愚  
人而已及退省其私則見其日用動靜語  
默之間皆足以發明夫子之道坦然由之  
而無疑然後知其不愚也



子曰視其所以

以用也言視其所行用

**朱註**以為也為善者為君子為惡者為小

人

觀其所由

由經也言觀其所經從

**朱註**觀比視為詳矣由從也事雖為善而  
意之所從來者有未善焉則亦不得為君

子矣或曰由行也謂所以行其所為者也

察其所安

**朱註**察則又加詳矣安所樂也所由雖善

而心之所樂者不在於是則亦偽耳豈能

久而不變哉

人焉廋哉人焉廋哉

焉於廋反廋所匿反

孔曰焉安也言觀人終始安所匿其情此

言知人之法也



**朱註**焉何也庾匿也重言以深明之○程

子曰在己者能知言窮理則能以此察人如聖人也

子曰溫故而知新可以為師矣

溫尋也尋釋故者又知新者可以為人師

矣此章言為師之法

**朱註**溫尋釋也故者舊所聞新者今所得

言學能時習舊聞而每有新得則所學在

我而其應不窮故可以為人師若夫記問之學則無得於心而所知有限故學記譏其不足以為人師正與此意互相發也

子曰君子不器

包曰器者各周其用至於君子無所不施

此章明君子之德也

**朱註**器者各適其用而不能相通成德之

士體無不具故用無不周非特為一材一



藝而已

子貢問君子子曰先行其言而後從之

孔曰疾小人多言而行之不周此章疾小人之不周也

**朱註**周氏曰先行其言者行之於未言之前而後從之者言之於既行之後○范氏曰子貢之患非言之艱而行之艱故告之以此

子曰君子周而不比小人比而不周

此必二反

孔子忠信為周阿黨為比此章明君子小人事

**朱註**周普遍也比偏黨也皆與人親厚之意但周公而比私耳○君子小人所為不同如陰陽晝夜每每相反然究其所以分則在公私之際毫釐之差耳故聖人於周比和同驕泰之屬常對舉而互言之欲學



者察乎兩閒而審其取舍之幾也

子曰學而不思則罔思而不學則殆

包曰學不尋思其義則罔然無所得不學

而思終卒不得徒使人精神疲殆此章言教學法也

**朱註**不求諸心故昏而無得不習其事故

危而不安○程子曰博學審問慎思明辨

篤行五者廢其一非學也

子曰攻乎異端斯害也已

善道有統故殊塗而同歸異端不同歸也

此章禁人雜學

**朱註**范氏曰攻專治也故治木石金玉之

工曰攻異端非聖人之道而別為一端如

楊墨是也其率天下至於無父無君專治

而欲精之為害甚矣○程子曰佛氏之言

比之楊墨尤為近理所以其害為尤甚學



者當如淫聲美色以遠之不爾則駸駸然入於其中矣

子曰由誨女知之乎知之為知之不知為不

知是知也女音汝

此章明知也

**朱註**由孔子弟子姓仲字子路子路好勇

蓋有強其所不知以為知者故夫子告之

曰我教女以知之之道乎但所知者則以

為知所不知者則以為不知如此則雖或

不能盡知而無自欺之蔽亦不害其為知

矣況由此而求之又有可知之理乎

子張學干祿

鄭曰祿祿位也

**朱註**子張孔子弟子姓顓孫名師干求也

祿仕者之奉也

子曰多聞闕疑慎言其餘則寡尤多見闕殆

論語卷一為政

三美 稽古樓



言言

慎行其餘則寡悔言寡尤行寡悔祿在其中

矣行寡之  
行去聲

包曰尤過也疑則闕之其餘不疑猶慎言

之則少過殆危也所見危者闕而不行則

少悔鄭曰言行如此雖不得祿亦同得祿

之道此章言求  
祿之法

**朱註**呂氏曰疑者所未信殆者所未安程

子曰尤罪自外至者也悔理自內出者也

愚謂多聞見者學之博闕疑殆者擇之精

慎言行者守之約凡言在其中者皆不求

而自至之辭言此以救子張之失而進之

也○程子曰脩天爵則人爵至君子言行

能謹得祿之道也子張學干祿故告之以

此使定其心而不為利祿動若顏閔則無

此問矣或疑如此亦有不得祿者孔子蓋

曰耕也餒在其中惟理可為者為之而已

論語卷二為政

三

稽古樓



矣

哀公問曰何為則民服孔子對曰舉直錯諸枉則民服舉枉錯諸直則民不服

包曰哀魯君諡錯置也舉正直之人用之

廢置邪枉之人則民服其上

此章言治國使民服之法

**朱註**哀公魯君名蔣凡君問皆稱孔子對

曰者尊君也錯捨置也諸眾也程子曰舉

錯得義則人心服○謝氏曰好直而惡枉

天下之至情也順之則服逆之則去必然之理也然或無道以照之則以直為枉以枉為直者多矣是以君子大居敬而貴窮理也

季康子問使民敬忠以勸如之何子曰臨之以莊則敬孝慈則忠舉善而教不能則勸

包曰莊嚴也君臨民以嚴則民敬其上君

能上孝於親下慈於民則民忠矣舉用善



人而教不能者則民勸勉

此章明使民敬忠勸善之法

**朱註**

季康子魯大夫季孫氏名肥莊謂容

貌端嚴也臨民以莊則民敬於己孝於親

慈於眾則民忠於己善者舉之而不能者

教之則民有所勸而樂於為善○張敬夫

曰此皆在我所當為非為欲使民敬忠以

勸而為之也然能如是則其應蓋有不期

然而然者矣

或謂孔子曰子奚不為政

包曰或人以為居位乃是為政

**朱註**

定公初年孔子不仕故或人疑其不

為政也

子曰書云孝乎惟孝友于兄弟施於有政是

亦為政矣其為為政

包曰孝乎惟孝美大孝之辭友于兄弟善

於兄弟施行也所行有政道與為政同章



言孝友與  
為政同

**朱註**書周書君陳篇書云孝乎者言書之言孝如此也善兄弟曰友書言君陳能孝於親友於兄弟又能推廣此心以為一家之政孔子引之言如此則是亦為政矣何必居位乃為為政乎蓋孔子之不仕有難以語或人者故託此以告之要之至理亦不外是

子曰人而無信不知其可也大車無輓小車無軌其何以行之哉

輓五兮反  
軌音月

孔子言人而無信其餘終無可包曰大車牛車輓者輓端橫木以縛輓小車駟馬車軌者輓端上曲鉤衡

此章明信不可無也

**朱註**大車謂平地任載之車輓輓端橫木縛輓以駕牛者小車謂田車兵車乘車軌輓端上曲鉤衡以駕馬者車無此二者則



不可以行人而無信亦猶是也

子張問十世可知也

孔曰文質禮變

**朱註**陸氏曰也一作乎○王者易姓受命

為一世子張問自此以後十世之事可前

知乎

子曰殷因於夏禮所損益可知也周因於殷禮所損益可知也其或繼周者雖百世可知

也

馬曰百世可知謂物類相召世數相生其

變有常故可預知此章明創制革命因沿損益之禮

**朱註**馬氏曰所因謂三綱五常所損益謂

文質三統愚按三綱謂君為臣綱父為子

綱夫為妻綱五常謂仁義禮智信文質謂

夏尚忠商尚質周尚文三統謂夏正建寅

為人統商正建丑為地統周正建子為天



統三綱五常禮之大體三代相繼皆因之而不能變其所損益不過文章制度太過不及之閒而其已然之迹今皆可見則自今以往或有繼周而王者雖百世之遠所因所革亦不過此豈但十世而已乎聖人所以知來者蓋如此非若後世識緯術數之學也○胡氏曰子張之問蓋欲知來而聖人言其既往者以明之也夫自脩身以

至於爲天下不可一日而無禮天敘天秩人所共由禮之本也商不能改乎夏周不能改乎商所謂天地之常經也若乃制度文爲或太過則當損或不足則當益益之損之與時宜之而所因者不壞是古今之通義也因往推來雖百世之遠不過如此而已矣

子曰非其鬼而祭之諂也

論語卷一 爲政

聖

言言



鄭曰人神曰鬼非其祖考而祭之者是諂求福也

**朱註**非其鬼謂非其所當祭之鬼諂求媚也

見義不為無勇也

孔曰義所宜為而不能為是無勇此章言祭必已

親勇必為義也

**朱註**知而不為是無勇也

終

論語卷之二

魏何晏集解

宋朱熹集註

八佾第三凡二十六章

**朱註**通前篇末二章皆論禮樂之事

孔子謂季氏八佾舞於庭是可忍也孰不可

忍也佾音逸

馬曰孰誰佾列也天子八佾諸侯而下以



兩而降天子八人為列八八六十四人魯以周公故受王者禮樂有八佾之舞季桓子僭於其家廟舞之故孔子譏之

此章論魯卿季

氏僭用禮樂之事

**朱註**季氏魯大夫季孫氏也佾舞列也天子八諸侯六大夫四士二每佾人數如其佾數或曰每佾八人未詳孰是季氏以大夫而僭用天子之禮樂孔子言其此事尚

忍為之則何事不可忍為或曰忍容忍也蓋深疾之之辭○范氏曰樂舞之數自上而下降殺以兩而已故兩之間不可以毫髮僭差也孔子為政先正禮樂則季氏之罪不容誅矣謝氏曰君子於其所不當為不敢須臾處不忍故也而季氏忍此矣則雖弑父與君亦何所憚而不為乎

三家者以雍徹子曰相維辟公天子穆穆矣



言言

取於三家之堂

徹直列反  
相去聲

和

馬曰天子祭於宗廟歌雍詩以徹祭今三家亦作此樂包曰辟公謂諸侯及二王之後穆穆天子之容貌雍篇歌此者有諸侯及二王之後來助祭故也今三家但家臣而已何取此義而作之於堂邪此章譏三家之僭也  
**朱註**三家魯大夫孟孫叔孫季孫之家也雍周頌篇名徹祭畢而收其俎也天子宗

廟之祭則歌雍以徹是時三家僭而用之相助也辟公諸侯也穆穆深遠之意天子之容也此雍詩之詞孔子引之言三家之堂非有此事亦何取於此義而歌之乎譏其無知妄作以取僭竊之罪○程子曰周公之功固大矣皆臣子之分所當為魯安得獨用天子禮樂哉成王之賜伯禽之受皆非也其因襲之弊遂使季氏僭八佾三

論語

卷二

八佾

三  
簋古婁



家僭雍徹故仲尼譏之

子曰人而不仁如禮何人而不仁如樂何

包曰言人而不仁必不能行禮樂此章言禮樂資

仁而行也

**朱註**游氏曰人而不仁則人心亡矣其如

禮樂何哉言雖欲用之而禮樂不為之用

也○程子曰仁者天下之正理失正理則

無序而不和李氏曰禮樂待人而後行苟

非其人則雖玉帛交錯鐘鼓鏗鏘亦將如  
之何哉然記者序此於八佾雍徹之後疑  
其為僭禮樂者發也

林放問禮之本

**朱註**林放魯人見世之為禮者專事繁文

而疑其本之不在是也故以為問

子曰大哉問

**朱註**孔子以時方逐末而放獨有志於本



故大其問蓋得其本則禮之全體無不在其中矣

禮與其奢也寧儉喪與其易也寧戚易去聲

包曰易和易也言禮之本意失於奢不如儉喪失於和易不如哀戚此章明禮之本意也

**朱註**易治也孟子曰易其田疇在喪禮則

節文習熟而無哀痛慘怛之實者也戚則一於哀而文不足耳禮貴得中奢易則過

於文儉戚則不及而質二者皆未合禮然

一凡物之理必先有質而後有文則質乃禮

之本也○范氏曰夫祭與其敬不足而禮

有餘也不若禮不足而敬有餘也喪與其

哀不足而禮有餘也不若禮不足而哀有

餘也禮失之奢喪失之易皆不能反本而

隨其未故也禮奢而備不若儉而不備之

愈也喪易而文不若戚而不文之愈也儉



者物之質戚者心之誠故為禮之本楊氏曰禮始諸飲食故汙尊而抔飲為之簠簋籩豆壘爵之飾所以文之也則其本儉而已喪不可以徑情而直行為之衰麻哭踊之數所以節之也則其本戚而已周衰世方以文滅質而林放獨能問禮之本故夫子大之而告之以此

子曰夷狄之有君不如諸夏之亡也

包曰諸夏中國亡無也

此章言中國禮義之盛而夷狄無也

**朱註**

吳氏曰亡古無字通用程子曰夷狄

且有君長不如諸夏之僭亂反無上下之分也○尹氏曰孔子傷時之亂而歎之也亡非實亡也雖有之不能盡其道爾

季氏旅於泰山子謂冉有曰女弗能救與對曰不能子曰嗚呼曾謂泰山不如林放乎

汝與平聲

論語卷二

八佾

六

稽古



馬曰禮諸侯祭山川在其封內者今陪臣祭泰山非禮也冉有時仕於季氏救猶止也包曰神不享非禮林放尚知問禮泰山之神反不如林放邪欲誣而祭之

此章譏季氏非

禮祭泰山也

**朱註** 旅祭名泰山山名在魯地禮諸侯祭封內山川季氏祭之僭也冉有孔子弟子名求時爲季氏宰救謂救其陷於僭竊之

罪嗚呼歎辭言神不享非禮欲季氏知其無益而自止又進林放以厲冉有也○范氏曰冉有從季氏夫子豈不知其不可告也然而聖人不輕絕人盡己之心安知冉有之不能救季氏之不可諫也旣不能正則美林放以明泰山之不可誣是亦教誨之道也

子曰君子無所爭必也射乎揖讓而升下而

命吾卷二

八節

七

稽古



言言

飲其爭也君子

飲去聲

孔曰言君子於射而後有爭王曰射於堂升及下皆揖讓而相飲馬曰多算飲少算

君子之所爭

此章言射禮有君子之風也

**朱註**揖讓而升者大射之禮耦進三揖而後升堂也下而飲謂射畢揖降以俟眾耦皆降勝者乃揖不勝者升取觶立飲也言君子恭遜不與人爭惟於射而後有爭然

其爭也雍容揖遜乃如此則其爭也君子而非若小人之爭矣

子夏問曰巧笑倩兮美目盼兮素以為絢兮

何謂也

倩七練反盼普覓反絢呼縣反

馬曰倩笑貌盼動目貌絢文貌此上二句在衛風碩人之二章其下一句逸也

**朱註**

此逸詩也倩好口輔也盼目黑白分也素粉地畫之質也絢采色畫之飾也言



人有此倩盼之美質而又加以華采之飾  
如有素地而加采色也子夏疑其反謂以  
素為飾故問之

子曰繪事後素

繪明對反

鄭曰繪畫文也凡繪畫先布眾色然後以  
素分布其間以成其文喻美女雖有倩盼  
一美質亦須禮以成之

**朱註**

繪事繪畫之事也後素後於素也考

王記曰繪畫之事後素功謂先以粉地為  
質而後施五采猶人有美質然後可加文  
飾

曰禮後乎子曰起予者商也始可與言詩已  
矣

孔曰孔子言繪事後素子夏聞而解知以  
素喻禮故曰禮後乎包曰孔子言子夏能  
發明我意可與共言詩

此章言成人須禮也



朱註禮必以忠信爲質猶繪事必以粉素爲先起猶發也起予言能起發我之志意謝氏曰子貢因論學而知詩子夏因論詩而知學故皆可與言詩○楊氏曰甘受和白受采忠信之人可以學禮苟無其質禮不虛行此繪事後素之說也孔子曰繪事後素而子夏曰禮後乎可謂能繼其志矣非得之言意之表者能之乎商賜可與言

詩者以此若夫玩心於章句之末則其爲詩也固而已矣所謂起予則亦相長之義也

子曰夏禮吾能言之杞不足徵也殷禮吾能言之宋不足徵也文獻不足故也足則吾能徵之矣

包曰徵成也杞宋二國名夏殷之後夏殷之禮吾能說之杞宋之君不足以成也鄭



曰獻猶賢也我不以禮成之者以此二國之君文章賢才不足故也此章言夏商之後不能行先王之禮也

**朱註** 杞夏之後宋殷之後徵證也文典籍也獻賢也言二代之禮我能言之而二國不足取以為證以其文獻不足故也文獻若足則我能取之以證吾言矣

子曰禘自既灌而往者吾不欲觀之矣禘大計反

孔曰禘祫之禮為序昭穆故毀廟之主及羣廟之主皆合食於太祖灌者酌鬱鬯灌於太祖以降神也既灌之後列尊卑序昭穆而魯逆祀躋僖公亂昭穆故不欲觀之矣

此章言魯禘祭非禮之事

**朱註** 趙伯循曰禘王者之大祭也王者既立始祖之廟又推始祖所自出之帝祀之於始祖之廟而以始祖配之也成王以周



言言  
公有大勳勞賜魯重祭故得禘於周公之廟以文王爲所出之帝而周公配之然非禮矣灌者方祭之始用鬱鬯之酒灌地以降神也魯之君臣當此之時誠意未散猶有可觀自此以後則浸以懈怠而無足觀矣蓋魯祭非禮孔子本不欲觀至此而失禮之中又失禮焉故發此歎也○謝氏曰夫子嘗曰我欲觀夏道是故之杞而不足

證也我欲觀商道是故之宋而不足證也又曰我觀周道幽厲傷之吾舍魯何適矣魯之郊禘非禮也周公其衰矣考之杞宋已如彼考之當今又如此孔子所以深歎也

或問禘之說子曰不知也知其說者之於天下也其如示諸斯乎指其掌

子曰答以不知者爲魯諱包曰孔子謂或



人言知禘禮之說者於天下之事如指示掌中之物言其易了

此章言諱國惡之禮也

**朱註**先王報本追遠之意莫深於禘非仁孝誠敬之至不足以與此非或人之所及也而不王不禘之法又魯之所當諱者故以不知答之示與視同指其掌弟子記夫子言此而自指其掌言其明且易也蓋知禘之說則理無不明誠無不格而治天下

不難矣聖人於此豈真有所不知也哉

祭如在祭神如神在

孔曰如在言事死如事生祭神謂祭百神

**朱註**程子曰祭祭先祖也祭神祭外神也

祭先主於孝祭神主於敬愚謂此門人記

孔子祭祀之誠意

子曰吾不與祭如不祭

與去聲

包曰孔子或出或病而不自親祭使攝者



為之不致肅敬其心與不祭同此章言孔子重祭禮

**朱註**又記孔子之言以明之言已當祭之時或有故不得與而使他人攝之則不得

致其如在之誠故雖已祭而此心缺然如

未嘗祭也○范氏曰君子之祭七日戒三

日齋必見所祭者誠之至也是故郊則天

神格廟則神鬼享皆由己以致之也有其

誠則有其神無其誠則無其神可不謹乎

吾不與祭如不祭誠為實禮為虛也

王孫賈問曰與其媚於奧寧媚於竈何謂也

孔曰奧內也以喻近臣竈以喻執政賈執

政者欲使孔子求昵之微以世俗之言感

動之也

**朱註**王孫賈衛大夫媚親順也室西南隅

為奧竈者五祀之一夏所祭也凡祭五祀

皆先設主而祭於其所然後迎尸而祭於



奧略如祭宗廟之儀如祀竈則設主於竈  
經祭畢而更設饌於奧以迎尸也故時俗  
之語因以奧有常尊而非祭之主竈雖卑  
賤而當時用事喻自結於君不如阿附權  
臣也賈衛之權臣故以此諷孔子

子曰不然獲罪於天無所禱也

子曰天以喻君孔子拒之曰如獲罪於天  
無所禱於眾神此章言夫子守禮不求媚於人也

**朱註**天即理也其尊無對非奧竈之可比

也逆理則獲罪於天矣豈媚於奧竈所能  
禱而免乎言但當順理非特不當媚竈亦  
不可媚於奧也○謝氏曰聖人之言遜而  
不迫使王孫賈而知此意不為無益使其  
不知亦非所以取禍

子曰周監於二代郁郁乎文哉吾從周郁於六反

子曰孔子言周文章備於二代當從之此章



言周之禮  
文猶備也

**朱註** 監視也二代夏商也言其視二代之  
禮而損益之郁郁文盛貌○尹氏曰三代  
之禮至周大備夫子美其文而從之

子入大廟每事問或曰孰謂鄒人之子知禮  
乎入大廟每事問子聞之曰是禮也大音泰  
鄒側雷

包曰孔子仕魯魯祭周公而助祭也孔曰

鄒孔子父叔梁紇所治邑時人多言孔子

知禮或人以為知禮者不當復問子言是

禮謂雖知之當復問慎之至也此章言夫  
子慎禮也

**朱註** 大廟魯周公廟此蓋孔子始仕之時

入而助祭也鄒魯邑名孔子父叔梁紇嘗

為其邑大夫孔子自少以知禮聞故或人

因此而譏之孔子言是禮者敬謹之至乃

所以為禮也○尹氏曰禮者敬而已矣雖



知亦問謹之至也其為敬莫大於此謂之  
不知禮者豈足以知孔子哉

子曰射不主皮為力不同科古之道也為去聲

馬曰射有五善焉一曰和志體和二曰和  
容有容儀三曰主皮能中質四曰和頌合  
雅頌五曰興武與舞同天子三侯以熊虎  
豹皮為之言射者不但以中皮為善亦兼  
取和容也為力力役之事亦有上中下設

三科焉故曰不同科此章明古禮也

**朱註**射不主皮鄉射禮文為力不同科孔  
子解禮之意如此也皮革也布侯而棲革  
於其中以為的所謂鵠也科等也古者射  
以觀德但主於中而不主於貫革蓋以人  
之力有強弱不同等也記曰武王克商散  
軍郊射而貫革之射息正謂此也周衰禮  
廢列國兵爭復尚貫革故孔子歎之○楊



氏曰中可以學而能力不可以強而至聖人言古之道所以正今之失

子貢欲去告朔之餼羊

去起呂反告古篤反餼許氣反

鄭曰牲生日餼禮人君每月告朔於廟有祭謂之朝享魯自文公始不視朔子貢見其禮廢故欲去其羊

**朱註**

告朔之禮古者天子常以季冬頒來歲十二月之朔于諸侯諸侯受而藏之祖

廟月朔則以特羊告廟請而行之餼生牲也魯自文公始不視朔而有司猶供此羊故子貢欲去之

子曰賜也爾愛其羊我愛其禮

包曰羊存猶以識其禮羊亡禮遂廢

此章言孔

子不欲廢禮也

**朱註**

愛猶惜也子貢蓋惜其無實而妄費然禮雖廢羊存猶得以識之而可復焉若



併去其羊則此禮遂亡矣孔子所以惜之  
○楊氏曰告朔諸侯所以稟命於君親禮  
之大者魯不視朔矣然羊存則告朔之名  
未泯而其實因可舉此夫子所以惜之也  
子曰事君盡禮人以爲諂也

孔曰時事君者多無禮故以有禮者爲諂

此章疾時臣事  
君多無禮也

**朱註**黃氏曰孔子於事君之禮非有所加

也如是而後盡爾時人不能反以爲諂故  
孔子言之以明理之當然也○程子曰聖  
人事君盡禮當時以爲諂若他人言之必  
曰我事君盡禮小人以爲諂而孔子之言  
止於如此聖人道大德宏此亦可見  
定公問君使臣臣事君如之何孔子對曰君  
使臣以禮臣事君以忠

孔曰定公魯君諡時臣失禮定公患之故



問之此章明君臣之禮也

**朱註**定公魯君名宋二者皆理之當然各欲自盡而已○呂氏曰使臣不患其不忠患禮之不至事君不患其無禮患忠之不足尹氏曰君臣以義合者也故君使臣以禮則臣事君以忠

子曰關雎樂而不淫哀而不傷樂音洛

孔曰樂不至淫哀不至傷言其和也此章言正

樂之和也

**朱註**關雎周南國風詩之首篇也淫者樂之過而失其正者也傷者哀之過而害於和者也關雎之詩言后妃之德宜配君子求之未得則不能無寤寐反側之憂求而得之則宜其有琴瑟鐘鼓之樂蓋其憂雖深而不害於和其樂雖盛而不失其正故夫子稱之如此欲學者玩其辭審其音而



有以識其性情之正也

哀公問社於宰我宰我對曰夏后氏以松殷人以柏周人以栗曰使民戰栗

孔曰凡建邦立社各以其土所宜之木宰我不本其意妄為之說因周用栗便云使民戰栗

**朱註**宰我孔子弟子名予三代之社不同者古者立社各樹其土之所宜木以為主

也戰栗恐懼貌宰我又言周所以用栗之意如此豈以古者戮人於社故附會其說與

子聞之曰成事不說遂事不諫既往不咎

包曰事已成不可復解說事已遂不可復諫止事已往不可復追咎孔子非宰我故歷言此三者欲使慎其後

**朱註**遂事謂事雖未成而勢不能已者孔

此章明立社所用木也



子以宰我所對非立社之本意又啓時君殺伐之心而其言已出不可復救故歷言此以深責之欲使謹其後也○尹氏曰古者各以所宜木名其社非取義於木也宰我不知而妄對故夫子責之

子曰管仲之器小哉

言其器量小也

**朱註**管仲齊大夫名夷吾相桓公霸諸侯

器小言其不知聖賢大學之道故局量褊淺規模卑狹不能正身脩德以致主於王道

或曰管仲儉乎曰管氏有三歸官事不攝焉

得儉焉於  
虔反

包曰或人見孔子小之以爲謂之大儉三歸娶三姓女婦人謂嫁曰歸攝猶兼也禮國君事大官各有人大夫兼并今管仲家



臣備職非為儉

和古樹

**朱註** 或人蓋疑器小之為儉三歸臺名事  
見說苑攝兼也家臣不能具官一人常兼  
數事管仲不然皆言其侈

然則管仲知禮乎曰邦君樹塞門管氏亦樹  
塞門邦君為兩君之好有反坫管氏亦有反  
坫管氏而知禮孰不知禮好去聲坫  
丁念反  
包曰或以儉問故答以安得儉或人聞

不儉便謂為得禮鄭曰反坫反爵之坫人  
君別內外於門樹屏以蔽之若與鄰國為  
好會其獻酢之禮更酌酌畢則各反爵於  
坫上今管仲皆僭為之如是定不知禮此  
章

言管仲  
僭禮也

**朱註** 或人又疑不儉為知禮屏謂之樹塞  
猶蔽也設屏於門以蔽內外也好謂好會  
坫在兩楹之間獻酬飲畢則反爵於其上

論語卷二

八佾

三

稽古樓



此皆諸侯之禮而管仲僭之不知禮也○  
愚謂孔子譏管仲之器小其旨深矣或人  
不知而疑其儉故斥其奢以明其非儉或  
又疑其知禮故又斥其僭以明其不知禮  
蓋雖不復明言小器之所以然而其所以  
小者於此亦可見矣故程子曰奢而犯禮  
其器之小可知蓋器大則自知禮而無此  
失矣此言當深味也蘇氏曰自脩身正家

以及於國則其本深其及者遠是謂大器  
楊雄所謂大器猶規矩準繩先自治而後  
治人者是也管仲三歸反坫桓公內嬖六  
人而霸天下其本固已淺矣管仲死桓公  
薨天下不復宗齊楊氏曰夫子大管仲之  
功而小其器蓋非王佐之才雖能合諸侯  
正天下其器不足稱也道學不明而王霸  
之略混爲一途故聞管仲之器小則疑其



為儉以不儉告之則又疑其知禮蓋世方以詭遇為功而不知為之範則不悟其小宜矣

子語魯大師樂曰樂其可知也始作翕如也從之純如也皦如也繹如也以成語去聲大音泰從音

縱五音始奏翕如盛從讀曰縱言五音既發放縱盡其音聲純純和諧也皦言其音節

明也以成縱之以純如皦如繹如言樂始作翕如而成於三此章明樂

**朱註**語告也大師樂官名時音樂廢缺故孔子教之翕合也從放也純和也皦明也繹相續不絕也成樂之一終也○謝氏曰五音六律不具不足以為樂翕如言其合也五音合矣清濁高下如五味之相濟而後和故曰純如合而和矣欲其無相奪倫



故曰皦如然豈宮自宮而商自商乎不相

反而相連如貫珠可也故曰繹如也以成

儀封人請見曰君子之至於斯也吾未嘗不

得見也從者見之出曰二三子何患於喪乎

天下之無道也久矣天將以夫子為木鐸

見之之見賢遍  
反從喪皆去聲

包曰從者弟子隨孔子行者見之謂通使

得見孔曰語諸弟子言何患於夫子聖德

之將喪亡邪天下之無道已久矣極衰必

盛木鐸施政教時所振也言天將命孔子

制作法度以號令於天下此章明夫子之  
德天將命之使

其定禮  
樂也

**朱註**儀衛邑封人掌封疆之官蓋賢而隱

於下位者也君子謂當時賢者至此皆得

見之自言其平日不見絕於賢者而求以

自通也見之謂通使得見喪謂失位去國



禮曰喪欲速貧是也木鐸金口木舌施政  
 教時所振以警眾者也言亂極當治天必  
 將使夫子得位設教不久失位也封人一  
 見夫子而遽以是稱之其所得於觀感之  
 閒者深矣或曰木鐸所以徇於道路言天  
 使夫子失位周流四方以行其教如木鐸  
 之徇於道路也

子謂韶盡美矣又盡善也謂武盡美矣未盡

善也

孔曰韶舜樂名謂以聖德受禪故盡善武  
 武王樂也以征伐取天下故未盡善

此章論韶

武之樂

**宋註**韶舜樂武武王樂美者聲容之盛善  
 者美之實也舜紹堯致治武王伐紂救民  
 其功一也故其樂皆盡美然舜之德性之  
 也又以揖遜而有天下武王之德反之也



又以征誅而得天下故其實有不同者○  
程子曰成湯放桀惟有慙德武王亦然故  
未盡善堯舜湯武其揆一也征伐非其所  
欲所遇之時然爾

子曰居上不寬為禮不敬臨喪不哀吾何以  
觀之哉

此章總  
言禮意

**朱註**居上主於愛人故以寬為本為禮以

敬為本臨喪以哀為本既無其本則以何  
者而觀其所行之得失哉

里仁第四 凡二十  
六章

子曰里仁為美擇不處仁焉得知 處上聲焉  
於處反知

去聲

鄭曰里者仁之所居居於仁者之里是為  
美求居而不處仁者之里不得為有知 此  
章

言居必  
擇仁也



**朱註**里有仁厚之俗為美擇里而不居於

是焉則失其是非之本心而不得為知矣

子曰不仁者不可以久處約不可以長處樂

仁者安仁知者利仁

樂音洛知去聲

子曰久困則為非長樂必驕佚包曰惟性

仁者自然體之故謂安仁王曰知者知仁

為美故利而行之

此章明仁性也

**朱註**約窮困也利猶貪也蓋深知篤好而

必欲得之也不仁之人失其本心久約必

濫久樂必淫惟仁者則安其仁而無適不

然知者則利於仁而不易所守蓋雖深淺

之不同然皆非外物所能奪矣○謝氏曰

仁者心無內外遠近精粗之間非有所存

而自不亡非有所理而自不亂如目視而

耳聽手持而足行也知者謂之有所見則

可謂之有所得則未可有所存斯不亡有



所理斯不亂未能無意也安仁則一利仁則二安仁者非顏閔以上去聖人為不遠不知此味也諸子雖有卓越之才謂之見道不惑則可然未免於利之也

子曰惟仁者能好人能惡人好惡皆去聲

孔曰惟仁者能審人之所好惡此章言惟無私於物故能審人之好惡也

**朱註**惟之為言獨也蓋無私心然後好惡

當於理程子所謂得其公正是也○游氏曰好善而惡惡天下之同情然人每失其正者心有所繫而不能自克也惟仁者無私心所以能好惡也

子曰苟志於仁矣無惡也惡如字

孔曰言誠能志於仁則其餘終無惡此章能志在於仁則其餘行終無惡也

**朱註**苟誠也志者心之所之也其心誠在



於仁則必無為惡之事矣。○楊氏曰：苟志於仁，未必無過舉也。然而為惡則無矣。

子曰：富與貴，是人之所以欲也。不以其道得之，不處也。貧與賤，是人之所以惡也。不以其道得之，不去也。惡去聲

孔曰：不以其道得富貴，則仁者不處。時有否泰，故君子履道而反貧賤，此則不以其道得之。雖是人之所惡，不可違而去之。

**朱註**：不以其道得之，謂不當得而得之。然於富貴則不處於貧賤則不去。君子之審富貴而安貧賤也如此。

君子去仁，惡乎成名。惡平聲

孔曰：惡乎成名者，不得成名為君子。

**朱註**：言君子所以為君子，以其仁也。若貪富貴而厭貧賤，則是自離其仁而無君子之實矣。何所成其名乎？



言言

和百本

君子無終食之間違仁造次必於是顛沛必

於是

造七到反沛音貝

馬曰造次急遽顛沛偃仆雖急遽偃仆不

違仁

此章廣明仁行也

**朱註**

終食者一飯之頃造次急遽苟且之

時顛沛傾覆流離之際蓋君子之不去乎

仁如此不但富貴貧賤取舍之間而已也

○言君子為仁自富貴貧賤取舍之間以

至於終食造次顛沛之頃無時無處而不

用其力也然取舍之分明然後存養之功

密存養之功密則其取舍之分益明矣

子曰我未見好仁者惡不仁者好仁者無以

尚之惡不仁者其為仁矣不使不仁者加乎

其身

好惡皆去聲

子曰無以尚難復加也惡不仁者能使不

仁者不加非義於已不如好仁者無以尚

論語卷二

里仁

三

信其



之為優

**朱註**夫子自言未見好仁者惡不仁者蓋好仁者真知仁之可好故天下之物無以加之惡不仁者真知不仁之可惡故其所以為仁者必能絕去不仁之事而不使少有及於其身此皆成德之事故難得而見之也

有能一日用其力於仁矣乎我未見力不足

者

孔曰言人無能一日用其力脩仁者耳我未見欲為仁而力不足者

**朱註**言好仁惡不仁者雖不可見然或有人果能一旦奮然用力於仁則我又未見其力有不足者蓋為仁在己欲之則是而志之所至氣必至焉故仁雖難能而至之亦易也



言言  
蓋有之矣我未之見也

和上林

孔曰謙不欲盡誣時人言不能為仁故云  
為能有爾我未之見也

此章疾時無仁也

**朱註**蓋疑辭有之謂有用力而力不足者  
蓋人之氣質不同故疑亦容或有此昏弱  
之甚欲進而不能者但我偶未之見耳蓋  
不敢終以為易而又歎人之莫肯用力於  
仁也○此章言仁之成德雖難其人然學

者苟能實用其力則亦無不可至之理但  
用力而不至者今亦未見其人焉此夫子  
所以反覆而歎息之也

子曰人之過也各於其黨觀過斯知仁矣

孔曰黨黨類小人不能為君子之行非小  
人之過當恕而勿責之觀過使賢愚各當  
其所則為仁矣

此章言口仁恕也

**朱註**黨類也程子曰人之過也各於其類



君子常失於厚小人常失於薄君子過於  
 愛小人過於忍尹氏曰於此觀之則人之  
 仁不仁可知矣○吳氏曰後漢吳祐謂掾  
 以親故受汙辱之名所謂觀過知仁是也  
 愚按此亦但言人雖有過猶可即此而知  
 其厚薄非謂必俟其有過而後賢否可知  
 也

子曰朝聞道夕死可矣

言將至死不聞世之有道

此章疾世無道也

**朱註**

道者事物當然之理苟得聞之則生

順死安無復遺恨矣朝夕所以甚言其時  
 之近○程子曰言人不可以不知道苟得  
 聞道雖死可也又曰皆實理也人知而信  
 者為難死生亦大矣非誠有所得豈以夕  
 死為可乎

子曰士志於道而恥惡衣惡食者未足與議

論語

卷之二

里仁

三十五

嘗五妻



言言也

和古林

此章言人當樂道固窮也

**朱註**

心欲求道而以口體之奉不若人爲

恥其識趣之卑陋甚矣何足與議於道哉

○程子曰志於道而心役乎外何足與議

也

子曰君子之於天下也無適也無莫也義之

與比

適丁歷反  
比必二反

此章貴義也

**朱註**

適專主也春秋傳曰吾誰適從是也

莫不肯也比從也○謝氏曰適可也莫不

可也無可無不可苟無道以主之不幾於

猖狂自恣乎此老佛之學所以自謂心無

所往而能應變而卒得罪於聖人也聖人

之學不然於無可無不可之間有義存焉

然則君子之心果有所倚乎

論語卷二 里仁

三

信山樓



子曰君子懷德小人懷土君子懷刑小人懷

惠孔曰懷安也懷土謂重遷懷刑謂安於法

包曰惠恩惠此章言君子小人所安不同也

**朱註**懷思念也懷德謂存其固有之善懷

土謂溺其所處之安懷刑謂畏法懷惠謂

貪利君子小人趣向不同公私之閒而已

矣○尹氏曰樂善惡不善所以為君子苟

安務得所以為小人

子曰放於利而行多怨放上聲

孔曰每事依利而行取怨之道此章惡利也

**朱註**孔氏曰放依也多怨謂多取怨○程

子曰欲利於己必害於人故多怨

子曰能以禮讓為國乎何有不能以禮讓為

國如禮何

包曰如禮何者言不能用禮此章言治國者必須禮讓



言也

和古

**朱註**讓者禮之實也何有言不難也言有

禮之實以為國則何難之有不然則其禮

文雖具亦且無如之何矣而况於為國乎

子曰不患無位患所以立不患莫已知求為

可知也

包曰求善道而學行之則人知己此章勸學也

**朱註**所以立謂所以立乎其位者可知謂

可以見知之實○程子曰君子求其在己者而已矣

子曰參乎吾道一以貫之曾子曰唯參所金反唯上聲

孔曰直曉不問故答曰唯

**朱註**參乎者呼曾子之名而告之貫通也

唯者應之速而無疑者也聖人之心渾然

一理而泛應曲當用各不同曾子於其用



處蓋已隨事精察而力行之但未知其體之一爾夫子知其真積力久將有所得是以呼而告之曾子果能默契其指即應之速而無疑也

子出門人問曰何謂也曾子曰夫子之道忠恕而已矣

此章明忠恕也

**朱註**盡已之謂忠推已之謂恕而已矣者

竭盡而無餘之辭也夫子之一理渾然而泛應曲當譬則天地之至誠無息而萬物各得其所也自此之外固無餘法而亦無待於推矣曾子有見於此而難言之故借學者盡已推已之目以著明之欲人之易曉也蓋至誠無息者道之體也萬殊之所一本也萬物各得其所者道之用也一本之所以萬殊也以此觀之一以貫之之



實可見矣或曰中心為忠如心為恕於義亦通○程子曰以己及物仁也推己及物恕也違道不遠是也忠恕一以貫之忠者天道恕者人道忠者無妄恕者所以行乎忠也忠者體恕者用大本達道也此與違道不遠異者動以天爾又曰維天之命於穆不已忠也乾道變化各正性命恕也又曰聖人教人各因其才吾道一以貫之唯

曾子為能達此孔子所以告之也曾子告門人曰夫子之道忠恕而已矣亦猶夫子之告曾子也中庸所謂忠恕違道不遠斯乃下學上達之義

子曰君子喻於義小人喻於利

此章明君子小人所曉不同也

**朱註**喻猶曉也義者天理之所宜利者人情之所欲○程子曰君子之於義猶小人



之於利也唯其深喻是以篤好楊氏曰君子有舍生而取義者以利言之則人之所欲無甚於生所惡無甚於死孰肯舍生而取義哉其所喻者義而已不知利之為利故也小人反是

子曰見賢思齊焉見不賢而內自省也省悉井反

一包曰思齊謂思與賢者等此章勉人為高行也

**朱註**思齊者冀已亦有是善內自省者恐

己亦有是惡○胡氏曰見人之善惡不同而無不反諸身者則不徒羨人而甘自棄不徒責人而忘自責矣

子曰事父母幾諫見志不從又敬不違勞而不怨

包曰幾者微也當微諫納善言於父母見志見父母志有不從已諫之色則又當恭敬不敢違父母意而遂已之諫此并下四章皆明孝



事父母

**朱註**此章與內則之言相表裏幾微也微諫所謂父母有過下氣怡色柔聲以諫也見志不從又敬不違所謂諫若不入起敬起孝悅則復諫也勞而不怨所謂與其得罪於鄉黨州閭寧熟諫父母怒不悅而撻之流血不敢疾怨起敬起孝也

子曰父母在不遠遊遊必有方

鄭曰方猶常也

**朱註**遠遊則去親遠而為日久定省曠而音問疎不惟己之思親不置亦恐親之念我不忘也遊必有方如己告云之東則不敢東適西欲親必知己之所在而無憂名已則必至而無失也范氏曰子能以父母之心為心則孝矣

子曰三年無改於父之道可謂孝矣

論語

卷二

里仁

聖

稽古



鄭曰孝子在喪哀戚思慕無所改於父之道非心所忍爲

**朱註**胡氏曰已見首篇此蓋複出而逸其半也

子曰父母之年不可不知也一則以喜一則以懼

孔曰見其壽考則喜見其衰老則懼

**朱註**知猶記憶也常知父母之年則既喜

其壽又懼其衰而於愛日之誠自有不能已者

子曰古者言之不出恥躬之不逮也

包曰古人之言不妄出口爲身行之將不及此章明慎言

**朱註**言古者以見今之不然逮及也行不及言可恥之甚古者所以不出其言爲此故也○范氏曰君子之於言也不得已而



後出之非言之難而行之難也人惟其不行也是以輕言之言之如其所行行之如其所言則出諸其口必不易矣

子曰以約失之者鮮矣鮮上聲

子曰俱不得中者則驕佚招禍儉約無憂

患此章貴儉

**朱註**謝氏曰不侈然以自放之謂約尹氏曰凡事約則鮮失非止謂儉約也

子曰君子欲訥於言而敏於行行去聲

包曰訥遲鈍也言欲遲而行欲疾此章慎言貴行也

**朱註**謝氏曰放言易故欲訥力行難故欲

敏○胡氏曰自吾道一貫至此十章疑皆

曾子門人所記也

子曰德不孤必有鄰

方以類聚同志相求故必有鄰是以不孤



言言

此章勉人脩德也

和古

**朱註**鄰猶親也德不孤立必以類應故有德者必有其類從之如居之有鄰也

子游曰事君數斯辱矣朋友數斯疏矣數色角反

數謂速數之數此章明為臣結交當以禮進也

**朱註**程子曰數煩數也胡氏曰事君諫不行則當去導友善不納則當止至於煩瀆則言者輕聽者厭矣是以求榮而反辱求

親而反疏也范氏曰君臣朋友皆以義合故其事同也

論語卷之二終

命吾卷二 里仁

聖 管子妻



言

--	--	--	--	--	--	--	--	--	--

利  
一  
本



